



八幡志

百六十一卷之百六十四

ケ 5
61
56



武備志卷一百六十一

防風茅元儀輯

占度載

占十四

占雲氣

茅子曰周禮天官氏掌雲氣之占秦漢間望氣者之言益驗故其說甚著我叅次其切于兵者曰氣之地氣之候氣之風雨氣之災瑞氣之天子氣之猛將氣之戰陣氣之軍勝氣之軍敗氣之暴兵氣



之伏兵氣之攻守氣之陰謀

氣之地

氣之候

氣之災瑞

氣之風雨

氣之天子

氣之猛將

氣之戰陣

氣之軍勝



氣之軍敗

氣之暴兵

氣之伏兵

氣之攻守

氣之陰謀

氣之地

自華以南氣下黑上赤嵩丘三丁河之郊氣正赤恒山之北氣青常山以北其氣上青下黑見白則亂勃碣海岱之間氣皆正黑見之君亡江淮之間氣

皆白東海氣如圓燈見之入水漢河水氣如引布
 江漢氣勁如杼濟水氣如一赤狍見則亂渭水氣如
 狼白尾見之天下荒淮南氣如帛一曰如白羊見
 此氣則亂少室氣如白兔青尾見則君亡恒山氣
 如黑牛青尾東夷氣如樹見之則勝西夷氣如室
 屋見則賊亂南夷氣如明臺武類舟船旗旛見之
 則兵起北夷之氣如羣女穿廬韓雲如布越雲如
 牛楚雲如日宋雲如重營雲如馬衛雲如天周雲
 如車輪秦雲如行人魏雲如鼠鄭齊雲如縞衣越

雲如龍蜀雲如困

氣之候

凡候氣之法氣初出時若雲非雲若霧非霧若鬚
 若可見初出森森然在桑榆上高五六尺者是千
 五百里外平視則千里舉目望則五百里仰瞻中
 天則百里內平望桑榆間二千里登高而望下屬
 地者二千里敵在東日出候之在南日中候之在
 西日入候之在北夜半候之王相色吉凶死色凶
 軍上氣高勝下厚勝薄實勝虛長勝短澤勝枯我

軍在西賊軍在東氣西厚東薄西長東短西高東下西澤東枯則知我軍必勝

凡候氣常以平旦下晡日出沒時處氣以見知之占期內有大風雨久陰則災不成故風以散之陰以緩之雲以暎之雨以厭之

凡欲知我軍氣常以甲巳日及寅子辰戌午未亥日八月十八日去軍十里許登高望之可見依別記占之百人以上皆有氣

凡望雲氣來卑而循車道者不過三四日去之五

六里見氣來高七八人者不過五六日去之十里二十里見氣來高丈餘二丈者不過三四日去之五六十里見稍雲精白者其將悍其士怯其大根而前絕遠者戰精白其芒低者戰勝其前赤而昂者戰不勝雲氣有戰居上者勝氣相遇卑勝高銳勝方占鬪其直正朔所候決於日旁日旁雲氣人主象皆如其形以占故北夷之氣如羣畜穿闕南夷之氣類舟船幡旗大水處敗軍場破國之虛下有積泉金寶上皆有氣不可不察海旁蜃氣象

樓臺廣墊氣成宮闕狀雲氣各象其山川人民所聚積故候息耗者入國邑視封疆田疇之整治城郭室屋門戶之潤澤次至車服畜產精華實息者吉虛耗者凶

氣之災瑞

瑞氣三一曰慶雲若烟非烟若雲非雲郁郁紛紛蕭索輪囷是謂慶雲亦曰景氣此喜氣也太平之應二曰歸邪如星非星如雲非雲或曰星有兩赤彗上向有蓋下連星見必有歸國者

妖星歸三邪占異

曰昌光赤如龍狀聖人起

妖氣二二曰狎雲如狗赤色長尾為亂君為兵喪

二曰天狗日出時有著天白氣廣如一匹布長十

餘丈西南行謹如雷西南行一刻而止

凡占災異先推九宮分野六壬日月不應陰霧風

雨而陰霧者乃可占對敵而坐氣來甚卑下其陰

覆人上掩溝蓋道者是太賊必至

凡氣初出似籠上氣勃勃上升氣積為霧霧為陰

陰氣結為虹蜺暈珥之屬

凡氣不積不結散漫一方不能為災必須和雜殺氣森森然疾起乃可論占

喜氣上黃下白其國有喜怒氣上下赤主國君怒將喪憂氣上下黑其軍有憂土功氣黃白移徙氣白

夜東方有赤色大三四圍長二三丈索索如樹南方有大四五圍下行十餘丈皆不至地滅若西北皆然曰客之變氣狀如樹木四方有欲動者凡夜青白氣衝北斗為大戰太白出氣長數丈多風雨

所指處大兵起有雲如衆風是謂風師有大兵大災

正戶一日占四方雲氣有雲東去當年豐稔有雲南去當年晴早有雲西去秋冬兵起五穀貴有雲北去當年秋間水滂凶十五日夜子時至平明時若東方有青雲人民饑困獄內多死白雲主喪人主太凶若南方有赤雲主大旱三千里人民不安主太原地人災天旱白雲主兵戈若西方有赤雲主有假拜天子事黑雲主民亂不安白雲黑雲主

秋冬兵起中國大亂君殺大將軍天下大亂若北方有黑雲七月內水災平地三尺若中央有赤雲當年主婦人多病死

二月一日有雲東南來主今春旱有雲南去主田禾大收有雲西去主民有虛驚事有雲北去主今春夏富足吉

三月一日有雲東去主年內人疾有雲南去主火光之災有雲西去主九十日無雨有雲北去主五年秋有風傷禾

四月一日有雲東去九十日瘴疫有雲南去主田禾焦損有雲西去主二十日風災有雲北去主四十日外人災疾

五月一日有雲東去主瓜果不收牛羊災有雲南去主秋冬賊起有雲西去主五十日內人生異物為不祥

六月一日有雲東去晚田收成有雲南去秋間人疫死有雲北去冬月多雪
七月一日有雲東去秋疫有雲南去冬月來春人

多疫災有雲西去風雨多有雲北去五穀貴

八月一日有雲東去來春有成有雲南去來年粟

貴有雲西去冬月人民不安有雲北去當月分野

禽獸災

九月一日有雲東去冬月牛病有雲南去六畜賤

人民亂有雲西去人民喜悅有雲北去國有好事

十月一日雲東去來春收成微有雲南去主野禽

獸災有雲西去主七十日內兵虛驚有雲北去人

民喜悅

十一月一日有雲東去來春人災有雲南去春旱

有雲西去主野禽獸災

十二月一日有雲東去來春多雨雪損花果有雲

南去春不雨有雲西去春旱人民患上焦病有雲

北去春雨水調勻若隨月一日四方無雲氣則無

吉凶事矣

當年日夜觀印北斗以占吉凶若黑雲映北斗主

年中大旱損五穀若青雲映北斗年內夏損也白

雲映北斗主年內粳米貴赤雲映北斗主年內大

早黃雲映北斗主天熟雨水調均
 立春之日觀其雲而知吉凶日平旦東方見青雲
 宜夏麥南方見赤雲主豆全收西方見白雲宜種
 糯北方見黑雲宜大豆中央見黃雲宜雜田至日
 夜暗陰全不食即苗不實但食與不食即知五穀
 損益正月一日東方見黑雲主春雨南方見黑雲
 主夏雨西方見黑雲主秋雨北方見黑雲主冬雪
 仔細占之無不應兆
 白氣如布十字橫四方兵起天下不寧應在當年

青氣廣五六丈東西竟天天下有喪
 黑氣如人列陣乃天下兵起人主修德禳之吉
 黑氣如犬如羣猪羊四夷不順
 黑氣如牛頭龍虎蛇變化有疾病民流亡夷狄欲
 欺中國宜察讒奸
 白雲氣極天南北陣國有憂
 雲如足布行國都中其國分君常憂
 雲如立人或如三牛邊城圍
 雲如龍形其國大水人流亡

赤雲如牛無角三日有大雨不出三日北夷兵起

殿庭中氣如霧其君必憂

赤氣如火形見者臣叛其君不過三朝

天無雲而有氣自廟中出者兵起國亡

有雲如鶴尾來陰國上三十日亡

凡四方常有太雲五色具者其下有賢人隱

青雲潤澤蔽日在西北為舉賢良

祥雲如赤狗或踏白雲下有異士訪而求之必得

氣之風雨

雲如巨魚疾行中夫其色蒼黑有大風大水災

雲如亂穰大風將至視所從來避之雲甚潤而厚

大雨必暴至

雲如牛車相連有大水

青雲掩北斗五日内有雨天無雲而北斗上下獨

有黑雲五日内大雨日入後有白光如氣自地至

天直入北斗所歷星皆失色其夜必有大風

雲氣蒼白色入北斗多大風

白雲氣掩北斗不過三日雨

黃雲氣蔽北斗明白雨

四始之日有黑氣如陣重厚大者多雨

凡朔晦弦望雲氣四塞者皆雨

黑氣如牛豕有暴雨

黑氣如牛馬不出三日大風雨

黑氣如羣羊奔如鳥迅飛必雨

雲如兩人提鼓持桴者有暴雨

凡六甲日雲氣四合當日雨無雲一旬少雨

每日平明看五方有雲主下雨若東方有青雲主

甲乙日下雨南方有赤雲主丙丁日下雨西方有

白雲主庚辛日下雨北方有黑雲主壬癸日下雨

中央有黃雲主戊巳日下雨

每日平明看五雲接日占雷雨凡白雲接主下雨

黑雲接立便雨五色惡雲接日主雷電夏間赤雲

接日為朝霞雨便至冬間赤雲接日為火氣主雨

雪

白雲氣如舞往來其處凄風送迎大雪將下

氣之天子

凡天子氣內赤外黃正四方所發之處當有王者
若天子欲有遊往處其地亦先發此氣或如城門
隱隱在氣霧中恒帶殺氣森森然或如華蓋在氣
霧中或有五色多在晨昏見或如千石倉在霧中
恒帶殺氣或如高樓在氣霧中或如山鎮蒼帝起
青雲扶日赤帝起赤雲扶日黃帝起黃雲扶日白
帝起白雲扶日黑帝起黑雲扶日或有氣象青衣
人垂手在日西天子之氣也一曰蒼帝氣如人向

日拳手而俛首一手在後赤帝氣如象火光如履
奠狀立在日下黃帝氣如馬在日下白帝氣如虎
在日下黑帝氣如盤在日下青紫氣自地屬天有
女主敵上氣如龍馬或雜色鬱鬱衝天者此帝王
之氣不可擊若在吾軍戰必大勝或雲似雙臺五
采色或雲如塔如樓臺如翔闕並峙而色五采或
雲如冠裳而五采具下有展皆天子氣也在我軍
勝在敵軍勿與戰凡天子之氣皆多上達于天以
王相日見其國大昌

氣之猛將

凡猛將之氣如龍如虎兩軍相當若氣發其上則其將猛銳或如虎在殺氣中猛將欲行動亦先發此氣若無行動亦有暴兵起或如火煙之狀或白如粉沸或如火光之狀夜照人或白而赤氣繞之或如山林竹木或紫黑如門上樓或上黑下赤狀似黑旌或如張弩或如埃塵頭銳而卑本大而高兩軍相當敵軍上氣如困倉正白見日逾明或青白如膏將勇不可擊

氣發漸漸如雲變作山形將有決謀

凡氣上與天連軍中有貞將或云名將又云賢將多謀

黃雲如土色名曰猛將之氣應于起處軍上其下有出男將也

氣之戰陣

大軍行氣如三疋布前廣後銳陣雲如立垣占曰見此客勝一日天中朋朗兩邊有雲如一字又形如疊荷錢無數此為陣雲也必有戰者三五夜如

黑者有敵斯乃賊殺之氣也白者兵氣前後有暗
 兵來應大勝青者瑞氣有賞賜班師之兆黑而漸
 小者我必勝賊必敗 曰黑者賊勝赤者我勝賊
 敗紅雲血光湧起者有賊青紫蘂者講和也
 天見五色雲氣望東西南北至于午卯酉若百步
 千步一丈十丈百丈數百丈如車道與日辰相克
 者大戰不相克者不戰王氣所臨有天命兵強相
 氣所臨戰勝將吏有功死氣所臨疾病死喪饑饉
 破散敗亡囚氣所臨被圍降伏休氣所臨兵罷無

功士卒亡敗

青雲入營兵弱驚白氣入營兵強黃氣入營者主
 兵和解赤氣入營者兵弱驚恐黑氣入營者主疾
 病又主兵相殘宜徙營

雲如蛟龍所見處將軍失魄

凡戰氣青白如膏將勇大戰

氣如人無頭如死人臥而敵上氣如丹地赤氣隨

乏必大戰殺將

四望無雲見赤氣如狗入營其下有流血

四望無雲獨見赤雲如立蛇其下有流血赤雲如覆船者其下有戰

氣如白蛇見敵上其下必大戰流血

赤氣屈盤停住者其下有兵流血

白氣如軍入北斗中轉移者其下有一流血大將死

有雲似城墻堅固之象在我軍上大勝在敵軍上

不可攻

有白雲捧日而脚下垂者大凶

有白黑雲捧月而脚下垂者驚陣殺人不已過三

日夜戰節勝

雲如駱駝如獅子如虎如龍如鬪牛皆猛將之勢在我軍上勝在敵軍上勿攻戰

雲如驚蛇或四或五亂走而出者敗軍之氣在我軍上勿攻戰在敵軍上戰大勝其賊亂走攻破城寨或有伏兵慎防之

雲如野馬向前行在我軍上勝在敵軍上勿戰大凶

雲如彎弓如箭射如怒氣如魚鱗涌起不散在我

軍上大勝在敵軍上不可用兵

雲如驚鳥三三五五棲止不定此亂氣也在我軍上勿用兵在敵軍上戰大勝

忽有黑氣如羣羊者出兵利大將武擇羽音年月日時應之吉

雲如羣羊亂走三日必有太風塵霾雨雹即令兵卒修葺營壘以防水火之變

雲如器臺在我在彼兩軍皆傷勿交戰器臺者如食器倒皮臺面下廣上銳中聳而兩端殺也

雲如束帛鋪列兩兩而比如獻納之狀或有一段顏色先赤後黑或白先小輪後乃大勝

雲如美女為喜氣在我軍上有喜至必勝雲如投拜終和釋

雲如敗甲如死人偃臥如人無頭兩兩僵尸在地者如人荷如列鈇鉞者皆大敗在敵軍上宜攻

戰
雲如死人面三五在地者大將合斬首

雲頭兩分斷上將有二心速宜和釋否則背反

雲如兩人相揖在我軍上有私通降敵者在敵軍
上是敵將投一曰兵起民流

雲如兩人對一有交通議和在我軍上防有反叛
在敵軍上有此拜

雲如兩蛇中在而首尾異處分向四隅四方雲銜
其間列若八卦圖式者在我軍上我敗在敵軍上

敵敗

有雲斷頭如兩旗前後相隨如兩人執鉞前道皆
叛軍之氣慎防其變在敵軍上敵來投降

凡上下有雲三四段上下疊見而雲分開半從左

半從右若相反者名鐸背陣又有雲一段更有薄

雲疊出其上附之若相疊者又有雲形如大山又

有雲如脚兩開均停者在我軍上大勝在敵軍上

小可用兵

雲如愁眉相對兩軍不和勿交戰

赤雲兼五色祥雲在我軍上三人引兵大勝在敵

軍上勿往戰

雲如亂髮名愁雲日月無光又有雲氣六段各分

雲脚竄亂為敗氣在我軍上戰不利在敵軍上攻戰大勝

雲如人形披髮蓬首躡肩而走為敗亂之氣戰則軍亂走

軍行忽見雲如橫木過其上或白或黑或黃為伏兵之氣宜謹防備如在我軍上戰則大勝在敵軍上勿戰

若大戰觀氣前白後青而高者將弱士勇爭擊之前大後小者將怯氣清而疎散者將怯弱可擊

雲氣四段四面對峙如迎管者可攻

團雲如一石黑吉赤敗黃可戰

雲如血盆三五成列上赤下黑者雲如鏡斧無數顛倒錯置者皆敗軍之氣勿出兵在敵營上宜戰必勝

氣明滅大小不定者必有詐謀宜勒兵備之

白雲如羣羊驟雨之兆急遮蓋營殿或赤雲徑然來決定交戰急宜防備

有氣來覆人掩戈蓋甲者主大敵急宜預備

進軍之時雲氣順隨我軍者宜急戰若雲氣忽散則凶

雲氣低覆似人形來者賊軍謀我

雲似虎或似狗穿連似匹練而來者暴師偷營

赤雲連綿似長蛇而斷續者外國賊起謀叛中國

戰在秋

雲往來如雨龍相爭在彼軍上我勝

雲似鳥盤旋在其軍中者大吉忌見黑

赤氣如繖蓋覆於軍上千里內戰有慶千里外戰

有憂黃氣臨營西向東戰並凶北向吉

赤氣隨日出軍必有憂隨日沒外必告吉

赤氣漫漫如血色者流血之象

赤氣如龍蛇在山頭上又夜光見者臣離其君為

客所傷人民流移之家

黑氣如死人頭在彼營上敵有所獻且求降宜許

不許必戰切戒士卒必多死傷

黑氣如牛馬龍蛇變化夷兵欲叛宜遣兵伺候又

有讒言為隱

黑雲如積山石在我軍上敵來襲我我必堅守經
月敵心離而後戰大勝

軍行有白雲如猪來臨者大驚宜備

凡出軍東伐有白雲西來隨而擊之勝若赤雲青
雲東來逆軍者敵勝

凡敵在東方白雲東去而又有雲東來相迎須臾
擊過雲去而風隨至望之狀如龍虎不可戰若在
我軍皆大勝雖雲從而風逆者勿戰

凡有雲氣橫來兩軍未合急先設伏戒嚴防有將

士逃去若黃氣橫我軍上宜舉兵不可遠戰主士
卒懼人有遁心罷吉

凡兩軍相當彼軍上有赤氣如匹帛廣長數十丈
其下色黃白必有背叛者晝見在將佐夜見在士
卒宜備之

雲如農夫耕隴者兵必大戰

雲黑色如死人在營者敵詐作求降詐之必戰

雲氣如車乍高乍下如車先發者勝

稍雲青白去大而絕遠者戰勝前赤伸者不勝

曰精白者其將悍其士怯大根而前絕遠者大敗
精白其芒低者戰勝

有雲如鳥其出如蚤其國戰必勝

夜視彼軍上有黑氣出土有赤氣臨我軍土彼強
我弱弱能破強小能擊大大戰大勝小戰小勝
候氣散者去敵十里後出戰勝

雲氣如三疋帛前橫後大在軍土者戰勝

兩軍相當赤雲在四方客勝在北方客敗加東方
不戰加南方北方軍還餘色倣此

凡被圍平旦視圍上氣鬱鬱如火光芒勢翕翕然
起于其方則其方有救至否則無救

軍行有白氣如虹者軍大驚宜避之南北如陣國
將有憂不則有大水爲害白雲白氣極天南北如
陣有慶黑雲東西如陣有憂若天氣蒼蒼然東西
極天移日不動者爲憂深此以戊巳日出爲災赤
雲臨圍土東西如陣者敗
城營有五色霞氣者敗軍之兆
霞氣青黃或赤白者皆吉

雲霞作龍虎相交者必大戰若來逐我則彼軍凶
夏至有妖雲貫日客兵強盛

軍出欲知賊得者赤氣前行而有黑氣隨之赤氣
滅賊可得若赤氣獨行無黑氣隨之者其賊不可
得

遊兵如葦掃長百丈無根乃遊兵不敵

初出軍日天昏溟濛雲氣陰沉寒者必戰若清暢
晴和風塵不動者不見敵亦不戰

有青氣見軍之旺相方上者當城交戰不見者不

戰

有氣五色白霧出蓋是敗軍之兆不可行事

如氣上小下大主士卒日增上大下小則士卒日
減

凡觀雲只論子午卯酉四時如天陰雨晦暗只看
天色雲象以知勝敗如何雲黃者和氣無敵黑者
乃賊殺氣有敵白者兵氣前後有暗兵來應大勝
紅者血光湧起者有賊青者瑞氣吉昌文書之兆
黑者賊勝赤者我勝他敗青紫雜者有謀議必死

戰

凡雲且看對衝三合有接脚雲會合則有會兵之象如四方一同雲起半天賊起意之兆忽然黑夜蓋寨者則防賊偷寨之意到半空而散有虛驚如不到半空隨方所民受其害如雲蓋在賊方不散賊必敗矣且如我軍在西敵在東西高東下西厚東薄西澤東枯西長東短西戰則我勝餘做此凡觀氣如何風色順逆青為生氣紅為祥氣白為兵氣黃為正氣五色彩氣後看所起在開休生門

吉杜驚門平平傷死門凶在賊方則受害在軍中起則軍受害在開門起主虛驚氣靜則軍靜氣動則軍動

凡觀八門氣其色有五曰青曰紅曰黃曰白曰黑青雲生氣休有文書兵散生同生傷賊自悔杜有賞賜景和兵之兆也死自殺驚賊回營寨開吉紅雲祥氣休彩氣生生氣傷血氣杜用氣景浴氣可出入死血光血氣驚血殺開青雲氣黃雲正氣休有明命賞賜生同上傷主盜矜遲杜

有增人添馬景同上死文書勦捕驚生擒之兆開
敗兵之兆

白雲祥氣休和氣生祥瑞傷干戈之兆杜主祥旺
景賊神旺死干戈交鋒之氣驚鋒犯之氣開出陣
必得方

黑雲殺氣休有陞賞生陰氣傷賊自殺馬病杜出
陣得方景主賊來偷寨死二比不戰亦有病也驚
賊自殺取道給開怒氣

凡遇四方盛氣無向之戰甲乙日青氣在東方丙

丁日赤氣在南方庚辛日白氣在西方壬癸日黑
氣在北方戊己日黃氣在中央四季凡戰背此勝
向此敗凡軍前吉氣兵法切要順天時甲子喜黃
丙丁白庚辛青露喜相逢捷勝便回歸戊己黑雲
滿天飛壬癸赤雲半路垂旌旗前進莫憂疑切要
識天機甲乙怕逢雲氣白丙丁黑雲莫相遮
凡軍前雲氣克日干者凶甲乙日忌白雲丙丁日
忌黑雲戊己日忌青氣庚辛日忌赤雲壬癸日忌
黃雲皆敗軍之兆宜堅守勿戰子時有氣應午丑

應未寅應申卯應酉辰應戌巳應亥午應子未應丑申應寅酉應卯戌應辰亥應巳

白金陣方青木陣直黑水陣曲赤火陣尖黃土陣

東方青雲生于亥南方赤雲生于寅西方白雲生于巳北方黑雲生于申此皆為正雲或黑雲盛于東南西不可進兵黑雲淡薄正雲現兩三夜甚遍黑雲又在死絕賊敗若黑雲在墓上生於旺時又遍於西方又變作青黃紅白此賊勢強或黑雲生

於北方彼寒我軍前赤白青黃雲去惹之吾軍大勝若黑雲來宜謹守勿戰黑雲生于死絕時賊敗黑雲速散不久聞南方起吾軍大勝也

青黃赤雲皆變白白變赤吉白變青黑凶正雲皆變白於西方大吉

白雲滿天忽變黑雲天地皆暗順風吹來軍營中為之殺雲宜急防備也

凡行軍有青雲覆其上經時不散遇敵必勝攻城自陷若五月七月見之自損兵馬

凡寨中有黃雲在青雲之上是夜必有小將逃遁
若青雲在黃雲上當夜必有小將來攻宜預防之
凡安營有黑雲如鳴雞狀與營門相對宜移營高
阜天必大雨河水泛漲防有沉溺之患

武備志卷一百六十一

武備志卷一百六十一

防風茅元儀輯

占度載

占十五

占雲氣二

氣之軍勝

凡軍勝氣如堤如坂前後磨地此軍士衆強盛不可擊

軍上氣如火光將軍勇士卒猛好擊戰不可擊在

我軍陣上戰大勝
軍上氣如山堤形或若林木將士驍勇若在我軍
上戰必勝

軍上氣如塵埃粉沸其色黃白旌旗無風而颺揮
揮指敵此軍必勝

敵上有白氣粉沸如樓繞以赤氣者兵銳在我軍
上戰必大勝

營上氣黃白色重厚潤澤者勿與戰
兩敵相當有氣如人持斧向敵戰必大勝向我主

凶

兩敵相當上有氣如蛇舉首向敵者戰勝

敵上氣如一匹帛者此雄軍之氣不可攻若在我
軍上戰必大勝

敵上氣如覆舟雲如牽牛有白雲出似旌旗在軍
上有雲如鬪雞赤白相隨在氣中或發黃氣皆將

士精勇不可擊在我大勝

軍營上有赤黃氣上達於天亦不可攻

軍營上五色氣上與天連此天應之軍不可擊其

氣上小下大其軍日增益士卒銳在我軍戰必勝
軍上氣如堤以覆其軍上前赤後白此勝氣若覆
吾軍急往擊之大勝
凡氣銳黃白團團而潤澤者敵將勇猛且士卒能
強戰不可擊
雲如日月而赤氣繞之如日月暈狀有光者所見
之地大勝不可攻
有雲氣如獸居上者勝
軍上有氣如塵埃前下後高者將士精銳

敵上氣如虎踞豹伏或軍上恒有氣者其軍皆難
攻
軍上氣如華蓋如旌旗如鋒刃向人者勿與戰
有雲狀如飛鳥所見國戰勝
敵上氣如蛟蛇向人此猛將氣不可當若在吾軍
必大勝
有雲如鳥其出如虫其國戰必勝
敵上氣如雲下如中夫而至及吾軍上常有氣不
變者堅固難攻

式精志卷三十一 占度載 占 占雲氣二

黑氣出上有赤氣臨我軍上敵強我弱
敵氣上黑下赤在前者將精悍不可當

敵上有雲如山嶽或如赤馬不可擊

兩軍相當敵上有雲如飛鳥徘徊其上或來而高
者兵精銳不可擊

軍上雲如馬頭低尾仰勿與戰

軍上雲如狗形勿與戰

望四方有氣如赤鳥在鳥雲中如鳥人在赤氣中
如赤杵在鳥氣中或如杵向外者如入十五五

或如旌旗在鳥氣中有赤氣在前者嫡人精悍不
可當

敵上有雲如山不可擊有雲如隱索在陣前後或

一或四黑色有陰謀青色饑赤色兵有反黃色急
去

雲如惡風相穿吼者必有苦戰寅夜有賊劫營宜
謹防備

氣之軍政

凡氣上黃下白名曰善氣所臨之軍欲求和退若

氣出北方求退向西其眾死散向東則不可信終能為害向南將死

敵上氣囚廢枯散或如馬肝色如死灰色或類僵蓋或類僵魚皆為將敗

軍上氣乍見乍不見如霧起此衰氣可擊上大下小士卒日滅

軍營上十日無氣發則軍必敗十日無氣而忽有赤白氣乍出即滅外聲欲戰其實欲退散

黑氣如壞山墮軍上者名曰營頭之氣其軍必敗

軍上氣先青而變黑者其將欲死

軍上氣如火光夜照入則軍士散亂

軍上白氣出而半絕者軍欲敗走再絕再敗三絕

三敗在東發白氣者災深

軍上氣中有黑雲如羊形或如猪形者此瓦解之氣軍必敗

敵上氣如粉如塵者勃勃如煙其軍欲散或五色旗亂或東西南北不定者其軍必敗

軍上氣如羣羊羣猪在氣中此衰氣擊之必勝

軍上有赤氣炎降於天則將死士衆亂赤光從天
流下入軍軍亂將死
彼軍上有蒼氣須臾散去擊之必勝在我軍上須
宜堅守
軍上有黑氣如羊形或如馬形從氣霧中下漸漸
入軍名曰天狗下食血流軍破
軍上氣或如羣鳥亂飛或如懸衣如人相隨或紛
紛如轉蓬或如揚灰或雲如卷席如匹布亂穰如
覆船如車蓋者皆爲敗徵

氣乍見乍沒乍聚乍散如霧之始起爲敗氣
氣如繫牛如人臥無手足如覆草如雙蛇垂頭如
飛鳥四散如決堤如敗垣如壞屋如人相指如人
無頭如驚鹿相逐如兩雞相向皆爲敗氣
氣如掃帚藤蔓死蛇死狗或如羣鳥低頭又如人
頭千千萬萬更有偃魚落樹瓦礫覆城皆是敗軍
之氣

雲氣如雞如兔臨管上者軍敗走
軍中有氣如雙蛇或氣中如雙蛇守日疾往攻之

大勝

敵上有雲如丹蛇者擊之勝

兩軍相去十里內三里外望彼軍上氣高而前後

青白散此敗軍之氣可擊

軍上氣前高後卑者敗

軍中氣黑而卑如倒樓狀軍不移必敗

軍上有白虹曲蜺者敗白虹及蜺入營者敗

雲氣蓋道蔽蒙晝晦日者飯不暇炊炊不暇熟宜

急去之不然必敗

其氣蒼黑形如紛亂者士卒饑

凡降人氣如入十十五五皆义手低頭或如人

手相向而立或白氣如羣鳥趨入屯營連結百餘

里不絕而徘徊須臾不見者當有他兵來降

營中氣出於西者賊必降

氣如黑山似黃雲為緣者欲降服

敵上氣青而高漸黑者將欲死散

軍上氣如燔生草之煙前雖銳後必退得歲月利

便擊之必勝

黑氣臨營或聚或散如鳥將宿敵人畏我心意不定終必逃避逼之大勝

氣之暴兵

凡暴兵氣白如瓜蔓連結部隊相逐須臾罷而復出至八九來而不斷急賊卒至宜固防之

白氣如仙人衣千萬連結部隊相逐罷而復興如是八九者當有千里兵來視所起備之

校氣蒼黑長百餘丈暴兵至

黑雲從敵上來之我軍上欲襲我敵人告發宜備

不宜戰敵回從而擊之小勝天色蒼茫有此黑氣依日支干數內推之無風雨則此氣之發必有暴兵日尅時則凶時尅日自消散此氣所發之方當有使人告急一人來則氣一條若滿散一方則有衆來期至依支干數內而算有風雨則伏

壬子日候四望無雲獨見赤雲如旌旗其下有兵起若徧四方者天下盡有兵若四望無雲獨見黑雲極天天下兵大起半天半起三日內有雨災解敵欲來者其黑氣上有赤氣下有氛零中天而下

敵必至

雲氣如旌旗賊兵暴起

暴兵氣如人持刀楯雲如人赤色所臨城邑有卒

兵至驚怖須臾去

赤氣如人持節兵未息

雲如赤虹有暴兵

赤雲如火者所向兵至

天有白氣狀如匹布經丑未者天下多兵歲首尤

甚

有雲如胡人列陣天下兵起

有雲如豹四五枚相聚其國兵大起

有雲如狗四五相聚圍者兵起

氣如虎躍如人形色赤白而猝至者是暴兵

氣白色如羣羊徘徊結陣來者必有他國兵起

有雲如人行止不定有暴兵

白氣起廣五六丈且天下者兵起

有雲如布疋且天下者兵起

杓雲如繩且天見則兵起

日出沒時有白氣如疋布著天而行長或竟天或十餘丈有聲者天狗也見則兵大起

四方精明獨有赤雲赫然者所見之地有兵

雲氣一道上白下黃或白色如疋布數丈或上黃

下白如旗狀長二三丈或長氣純赤而委曲一道

如帛皆為之蚩尤旗見則兵大起

雲曲如鉤名曰鈎雲此雲見以五色占而澤博密

人見其動迺有占兵必起

候氣舉目望五百里近兵起

候氣平視見則有賊盜生

候敵氣上有雲下有雲者兵必至

白虹所出必有暴兵流血

氣之伏兵

凡軍上有黑氣髣髴如樓渾渾圓長赤氣在其中

其下必有伏兵白氣粉絮起如樓狀其下必有藏

兵萬人皆不可輕擊

伏兵之氣如幢節狀在烏雲中或如赤杵在烏雲

中或如烏人在赤雲中勿先動

軍行近山林坑谷間當善探動靜既是伏兵之地
又有氣者伏兵不疑

雲氣紛紛相連及似蒿草數尺此以車騎為伏兵
雲如布薦之狀及似蒿菜盈尺許此以步卒為伏
兵

黑圍之中有赤氣為伏兵赤雲為火星為殺氣亦
有伏兵青為憂氣黑為死氣白為兵氣黃為和氣
凡氣潤光明則吉黃為喜氣惟散枯死馬肝色
為惡氣

黑氣出營南賊逃我後有伏兵謹候察之

前有黑氣後有白氣必有伏兵不可攻一曰黑氣
中有白氣如入形有伏兵不可擊

黑雲變赤反白形如山林者有伏兵一曰有雲如
山林在外者有伏兵一曰有伏兵萬人不可擊宜
修德以備之

軍行有雲如猛虎前有伏兵急宜準備

候氣望之屬地三千里其兵遠伏

凡赤雲所臨之方下必有伏兵青為憂氣黑白為

兵氣汗灰氣色俱為惡氣散散漫漫不為大火凡
殺人千百氣色必感於天結為雲氣如驚虹蜺主
災軍兵亂走

伏兵之氣如掃帚如鑼鼓如懸衣如雙蛇如飛鳥
如壞屋如奔塵如破軍如人相無指頭無足者皆
敗氣論氣色者亦有七般一敗氣二屍氣三喜氣
四神氣五伏屍氣六紫氣七赤氣

一敗氣歌曰黑氣一道着營中若着在營氣絞
此着合將軍上夜消氣盼切西東

二屍氣歌曰營中黑氣暗光明良睡團圓是定
極高不過三五丈切須安托象軍戎

三喜氣歌曰黃氣上面有紅光將軍傳令執刀鎗
便看此夜連忙劫得勝軍收入陣場

四神氣歌曰卯酉一道主軍中合主將軍便得功
若觀常人持世出必然一寨滅強鋒

五伏屍氣歌曰伏屍白氣在中營喻入掛幔暗光
明白氣舉向一二丈多饒兵受亂虛驚

六紫氣歌曰氤氳紫氣貫營飛良將時觀說氣奇

決戰主茲神氣助將軍必定勝熙熙
七赤氣歌曰管中赤氣血如同長大如天照得紅
若現來辰不得戰戰時輪次定無功

氣之攻守

凡攻城之次有雲西北乾上來者後二日本位有
大風其城有大戰不可攻攻之損將
坎上有黑雲上有白雲不久合雨不可攻
艮上雲如山上黃後若天色變土物者其城必破
巽上有赤雲上有白色漸漸於雲中西北行者合

損兵卒再急攻其城破之

離上有赤雲名曰困雲後五辰有東風起一時而
住六十日無陰雨重賞以戰必破之不則損兵將
坤上有黃雲下有黑雲來益城頭上其中定有苦
戰

兌上有白雲蒼蒼如掃帚往城上過必拜降也
攻城之次東有青雲往西行後二辰有南風於南
面急攻破之北方不可攻損將
攻城之次有雲如樓閣五色必有救兵來助

雲如龍蛇之形城必破

雲如瓊花亂落者為敗兵之雲守三日攻之必破

城上無雲氣士卒敗散

有氣從城外而來者兵欲恣攻

城上氣出覆入城中者人欲逃遁

城上有赤氣有如破陣城可攻

蒼雲經天其下有拔城之象

黑氣如雲臨城者可屠

城中氣出北其城可克

城中氣出前高後卑或上大下小者皆敗氣也

氣出如飛鳳城可攻

有氣如蛟頭內向者城可攻屈虹從外入城中三日

日內城可屠

氣如曲虹從外入城者三日城可攻

氣如交頸虹臨城可攻

城中有白氣如旌旗者勝若赤界其邊精銳不可

攻

城中氣出東方其色黃此太乙氣不可攻

武備志卷頁三 占度事 占 占雲氣

有赤氣從城上出者兵內勝宜避之

凡攻城黑雲臨城者積土固險之象黑者水之氣

城池之象我據城敵不可攻敵據城我不可攻

氣若霧非霧衣冠不雨而濡見則其城帶甲而趨

凡白氣從城中南北出者不可攻

城中有黑雲如星名曰軍精急解圍去有突兵出

客敗

城中白雲如旌旗或赤雲臨城有喜慶黃雲臨城

有太喜慶黃雲臨城有喜慶黃雲臨城

氣青色從城中南北出者城不可攻或氣青色如
牛頭觸入者城不可屠一日城上有氣如牛頭觸
入必攻城或青黑攻城七十日不拔遇有雷雨勿
攻必有賢人輔之

城中氣出東方其色青此天城不可攻

白氣從城中出青氣從城北入及回旋者軍不得

入

攻城圍邑過旬不雷不用者為城有輔疾去之勿

攻

城上氣如煙火，主人欲出戰，其氣無極者，不可攻。
城中氣如雙蛇向外者，難攻。

赤氣如杵形，從城中向外，內兵突出，主人戰勝。
城上有雲分爲兩，其狀攻不可得。

赤氣在城上，黃氣四面繞之，城中大將死，其城降。

城上赤氣如飛鳥，如敗車，及無雲氣，士卒必散。

城管中有赤黑氣如狸皮斑，及正赤者，軍破。

城上氣上赤而下白，或城中氣聚如樓出，見於外，
城皆可屠。

城管中有雲如衆人頭赤色，下多死喪流血。

城上氣如灰，城可屠。一日出而東，可攻出而西，可
降，出而高無所止，用日久長。

氣出而南北，城可赴。

氣出而東，城可攻。

氣出而西，高城可降。

氣出復入，城中人欲逃亡。

氣出而覆其軍，軍必病。

攻城之次有黑氣繞城，城必破。

白氣如蛇來指城急攻可得白氣從城指營宜退守

攻城若雨霽日死風至兵勝

攻城若雨濛霧黑日色無光者主勝勿攻

雲氣如雄雉臨城其下必有降者

濛氛圍城而入城者外勝得入

有雲如人立之狀或如牛立圍城上者氣如虹向

城者城皆可攻

城上之氣不見於外者不可攻

黑雲如羣鴉聚空中主城中突外外兵進有奸人雲氣形似禽獸客告主人忌之

赤氣從城上出者兵內勝宜避之

有雲如丹蛇墮軍後大戰殺將

凡城中諸氣從城中出入吾軍上者此敵家氣

也客宜避主濛氣繞城不入者外兵不得入濛氣

圍城而入城者外兵入城若不雨濛濛霧日死風

至兵勝

氣之陰謀

白氣羣行徘徊結陣來者爲他國人來欲圖人不
可視其所往隨而擊之可得

黑氣如幢出于營中上黑下黃敵欲來求戰無誠
實之言九日內宜警備之

黑氣遊行中含五色臨吾軍上敵必合謀來伐及
謀軍自敗

黑雲如龍現于空中必有大臣異謀事可察捕探
捉之

氣如車輪臨吾軍上謀亂伐國

氣如霧氣晝夜見色青黃更相掩冒作合作散主
圖謀

氣久陰不雨將有陰謀之事也

候氣非雲非霧森然十里不散者有陰謀

黑氣如引索來如陣前銳者有陰謀青色有兵來
赤色有反兵黃色急去之

有雲氣如尾在氣霧中臨軍上者中人與外人通

武備志卷一百六十一

武備志卷一百六十三

防風茅元儀輯

占度載

占十六

占風雨一

茅子曰占之書凡數百種皆割裂而見其類于占
風雨獨錄測夫賦玉帝親機一全書者以其文不
可割裂也他書有同此者刪之若一者之占則各
自有類此則測其候耳

測天賦

高明上覆日月星辰沉潛下載風雨龍神

高明天也天本一氣輕清而運旋於上沉潛地也地本一氣重濁而定位乎下日者太陽之精積而成象光明外發體魄內含月者太陰之精積而成象光以映照盈極而缺星者五行之精木曰歲星火曰熒惑土曰鎮星金曰太白水曰辰星也經者陽氣之餘三垣二十八宿也辰者十二辰次也娵訾降婁太梁實沈鶉尾鶉火鶉

首壽星太火折木星紀玄栲是也角亢氐房心尾箕東方七宿為蒼龍之體斗牛女虛危室壁北方七星為靈龜之體奎婁胃昂畢觜參西方七宿為白虎之體井鬼柳星張翼軫南方七星為朱雀之體環列於四方隨天而西轉夫天者羣物之祖懸象著明運而為一曜分而為五星列而為二十八宿會而為斗極天有四時陰陽寒暑係為陽氣在內不得出則激搏而為雷陽氣在外不得入則周旋不舍而為風天地相感

陰陽相搏氣積而成雲陰陽和泰天地氣交而
爲雨若夫太清之世十日一雨雨不破塊一歲
三十六雨是謂休徵時若之應龍卽蛟龍神卽
雷神龍屬乾雷屬震二者感陰陽之氣動而飛
翔所以降雨也風雨特二氣之所致則龍神附
而主宰之也

凡雨三日以上爲霖久雨謂之霖天鏡曰天雨
三日以上不絕陰謀興無雲而雨謂之天泣其
占爲國失政

凡泰和之世雷雨必作於巳午陰生之後至夜
雨止者吉作於子丑寅卯至辛爲晴者爲亂爲
兵

凡雨作於四時旺相之日草木得之莫不榮盛
其休囚之日雖有雨不能生物也

占斗光之明暗辨月色之初新

斗光北斗七星之光也明光潤澤也暗昏翳也
初新謂初生明上弦之月色也凡黃昏時候視
北斗中外左右有無雲氣又視新月上下左右

有無雲氣然後知陰晴風雨也

魁畔黑雲見露滋於當夜

魁星北斗前四星也畔邊傷也若此星之傷有黑雲遮蔽并掩斗口者主當夜有雨

星前黃氣知潤澤於來晨

星天星也北斗第七星之名也北斗後三星為豹黃氣謂雲氣黃色潤猶濕也澤雨澤也若星前忽有黃色雲氣潤移時不散釋者主來日有雨

遍掩映而三日

遍普遍也掩映謂雲遮而薄有如紗窗之透明也凡北斗遍被黑雲遮掩主二日內有雨若無雨主大將有憂

獨溟濛而半旬

獨孤獨也溟濛天色昏濛而不明也半旬五日也凡北斗間或一二星或五六星有黑雲氣溟濛遮蔽主五日有雨一日四望無雲惟北斗中外上下有雲氣潤者亦主五日有雨一日凡黑

雲低下廣而厚者主當日雨

戊巳六龍若魚行而大灑

戊辰巳巳名曰六龍平旦時占看日下入夜時
占看北斗若有雲氣蒼潤如魚龍鱗狀或停止
或飛行遮掩斗口者主當日雨不然亦當主夜
雨遮日亦然

斗間五色如龜動以長津

北斗間有五色雲氣移動蒼色如龜如龍之形
狀動且不止大雨驟至

類南天而炎火同中嶽以飄塵

類北類也南天赤氣也大凡斗中有南天赤雲
氣色者主旱一曰若赤雲蔽日或蔽斗主明白
天熱中岳黃雲氣也若黃雲氣昏暗蔽斗或在
日月上下略不廣密者又主多風披拂塵埃之
象

杓白氣而大遭風雨

白氣即白雲氣也遭逢也若有此氣掩北斗并
日月廣而密者主有大風惡雨

一占每月初一夜視北斗中若有白雲氣而潤澤者主月內風雨多

節丹震而甚益農人

節時節也丹紅色也震東方也甚過也益利也言每月節氣相交之日若早辰有丹震之氣見於東方者主節內風雨順行過乎利益庄農之人

六甲晴空一旬竭澱

六甲謂甲子甲戌甲申甲午甲辰甲寅也晴空

言此六甲日長空清明一旬十日也竭盡也霖澱也凡一甲管十日一旬之陰晴若六甲日天色清明無雲掩日其夜又無雲掩日主十日晴若六甲日有雲氣澱天而復下雨主十日有雨也

雲氣如出五行逐面

逐面逐方面也雲出時看何方上見如東方有雲應甲乙日有雨餘做此一日青雲在甲乙日雨紅雲在丙丁日雨白雲主申酉日雨黃雲

主戊巳日雨黑雲主壬癸日雨故看五色雲氣逐方面而致雨也

卯日同甲四方之氣象為因

謂五卯日與六甲日占也

日有從蒼諸干之期程定變

蒼青色也諸干謂十干也期程十干變動之候也定變謂此日天色而定變動也平日時看黑雲出在何方如東方有雲應在甲乙日之類斷與上同

紫烏白兔降未升而雨沾

烏日兔月也沾猶被也凡天氣下降陰求陽也地氣未升坤為地為陰主乎靜陽索之無有不應故晝之日色紫夜之月色白若此者主有雨也

素日丹蟾升未降而災旱

素日色白也丹蟾月色紅也言天氣未降陽蓄陰也地氣先升以坤陰為靜是殆未必有動先陰者是陰陽反配而不合故晝之日色白夜之

月色赤皆主災旱清明
陽碧陰綠未交而景色將寒
碧青色也未交不曾合也將寒言天地不交欲
閉塞成冬故也景色時景也此天氣下降地氣
未升晝則日色青夜則月色綠是二氣不曾相
交將寒之象此秋冬之景殆欲降寒凜冽而興
於時也

奇黑耦青未密而虹霓欲見
奇者陽日也耦者陰月也未密猶相交未定而

泄氣也言天氣既降地氣已升二氣而不足故
日黑月青似雨不雨必主虹霓之見也
若乃重占卯日再聚中央寒風列土折樹四方雨
瀉無之則別生災異

重占再占也中央中央也列土言風寒能列地
膚而并折樹也雨瀉言雨急如注也災異不祥
也凡占六甲五卯日若有雲氣來聚者將寒之
象主大風折木四方昏翳如雲氣隨變必有太
雨此天地之變動也若或無雨主別生災異

兵甲攢興有之則大起凶殃
兵賊跳梁奸宄也攢興互相攢撥興聚也大起特然起也凶殃凶惡禍殃也言甲卯日如前天色若無雨則大主災殃然必有賊兵起事變主在五日內應

斷五音之宮羽

斷猶決也宮羽五音之屬子午時為宮卯酉時為羽辰戌時為商巳亥時為角丑未寅申時為徵一曰宮屬土商屬金角屬木徵屬火羽屬水

如宮日宮風時加巳亥有大喪商日商風時加辰戌有兵起角日角風時加巳亥有兵起多死亡徵日徵風時加巳亥有災疾羽日羽風時加卯酉有大雨

裁六義之柔剛

六義即六情也如寅午日為廉貞風從南來王慶賞歡樂事巳酉日為寬大風從西方來主酒食筵會事丑戌日為公正風從西南方來主執讐言俱善相通和悅事申子日為貪狼風從北方

來主侵奪財貨盜賊興起事癸卯日為陰賊風
雨東方來主七日內有陰謀賊人入界偷營劫
寨事辰未日為奸邪風從北方來主有賊囚虛
驚或姦非事如風性不寒事善如昏濁勢大能
破屋折木者則主大凶也

壬子至壬午各轄三朝高燥則雲藏數日

壬子癸丑甲寅乙卯丙辰丁巳共六日每二日
管三日晴冷

假如壬子日日出時見有雲氣低濃或黑雲黑

氣在北斗上下左右則所管戊午巳未庚申三
日內有雨也若無雲氣高燥精明則此三日內
皆晴癸丑管辛酉壬戌癸亥三日斷如前甲寅
管甲子乙丑丙寅三日斷如前乙卯管丁卯戊
辰巳巳三日斷如前丙辰管庚午辛未壬申三
日斷如前丁巳管癸酉甲戌乙亥三日斷如前
繼總二十四日推詳所管逐日占之有如山鳴
谷應之不違

丙子終辛每管五日低濃則雨遍諸鄉

丙子丁丑戊寅巳卯庚辰辛巳共六日每一日
管五日假如其日有黑雲蔽日或掩北斗則所
管五日内如前晴雨丙子管壬午癸未甲申乙
酉丙戌五日丁丑管丁亥戊子巳丑庚寅辛卯
五日戊寅管壬辰癸巳甲午乙未丙申五日巳
卯管丁酉戊戌巳亥庚子辛丑五日庚辰管丑
寅癸卯甲辰乙巳丙午五午辛巳管丁未戊申
巳酉庚戌辛亥五日併前共六十日則逐日占
斗光日色定之萬驗無移也

連窺天漢蛇經而霧集雲屯累顧銀河猪越而風
調雨順

連窺謂連夜窺看也天漢銀河皆天河也蛇經
謂天河中有雲如蛇經過則主雲霧昏蔽有雨
猪越謂雲氣如猪形過河也凡天河中有雲氣
黑潤形如猪蛇往來主當夜有雨

無雲掩映當旬之草木不沾有氣侵凌逐限之田
園益潤

掩映謂遮蔽未厚餘光尚照映也言天河中遇

五卯六申日觀之既無雲氣遮掩又無雲氣往來則所管日內主必晴明若有雲氣在天河中來往者則所管日內決有風雨

黑午夜半如龍在震以辰期

黑癸水象也牛丑屬也夜半子時也震東方也

辰期如與日辰相期不失也遇癸丑日夜半見

黑雲氣狀如龍形在東方震上者主辰日必有

雨

青龍辰前似馬當離而午信

青龍甲木也龍謂辰也以辰屬龍之謂辰前早辰之前當猶在也言甲辰日早辰有雲氣形狀如馬在離上者主午日或午時必有雨至
月初雨曜青黑潤明旬當數雨黃赤乾晴

月初乃初一初二三也兩曜日月也青黑以日色或青或黑潤明雲氣潤濕而明也凡月初占若日月青黑明潤者主月內多雨如黃赤氣若此者則枯乾之象主月內多旱每月初一日晴明主上旬十日初二日管中旬十日初三日管

下旬十日平光日月同占
日候孤光雲帶中央而不動日高三丈雨施四面
以頻行

孤光日也日候日出時也雲帶言雲氣如縷帶
之長也中央日輪中也頻行連日凡日出時有
雲氣如縷帶橫於日中久而不移不散又或蔽
日而不見者主日高三丈雨至若日高一丈二
丈時見則主中時降雨
朝起視東方積上之雲形便瀉

朝早朝也俗謂早晨視猶看也凡早晨起居必
當先看東方有黑雲起如堆上之形狀久而不
散者必主有雨

暮歸窺西上累盂之氣象尋頃

暮晚夕也俗謂日落時窺猶視也累盂言雲氣
如累盂器皿重疊堆積也傾猶急瀉也凡日落
時見西方有雲氣如累盂形狀層層而起者主
有雨

晨候北方雲多黃黑晚望南行雷雨立見

晨候占早辰時見北方有黃黑雲氣濕潤長二里許毋分大小片朵皆向南飛者主壬癸日時必有雨餘則以例推之

躍躍猪氣山奔如七子之期

躍飛跳也猪氣言雲有如猪之形氣也山艮屬也言雲氣飛奔艮寅東北方上有若猪走上山之狀也七子謂七日也期候也凡早辰間見西方有雲氣狀如猪走上山飛行望東北者必主丙子有雨七子言應七日內也

鬱鬱離風乾飛去八辰之索

鬱抑鬱不伸也離風南風也乾西北也八辰謂八日索應也凡早辰間見北方有黑雲氣抑扁蒼青飛行之緩南風忽轉北風吹送如飛者主乙卯日雨或應八日內有雨東北風亦然

雲帶橫列寅卯為甲乙之名

有雲縷如帶橫列寅卯方上久而不散者至甲乙日有雨一說寅卯日見主甲乙日雨一曰陰陽雲氣若帶潤色者亦當日有雨陰雲而昏濁

陽雲而輕霧亦皆主雨

日輪之次當辰巳作丙丁之說

日輪日轂也凡日行至辰巳上有雲帶橫列則

主丙丁日下雨

午未之間見陰戊巳日以無差

言午未方上見陰雲如縷帶蔽日不見者主戊

巳日有雨

坤申之上雲行庚辛日而不易

坤申西南方也西南方上有雲氣飛縷掩日主

庚辛日有雨

若當炎旱炎感少退於河津

炎旱日酷而久晴也炎感南方火星也河津天

河也凡天時欲旱則日色酷烈而火星守天河

必主旱一曰天河中星辰稀少皆主旱

或遇霖淫辰象曜繁於漢汨

霖淫雨久多而不止也辰水星也象星象也漢

汨亦天河也言天漢本天河特金之餘氣秋夜

最明又曰明河凡天時作大水則水星守天河

更天河中多星辰而密厚若此者必主大雨
五色交錯赤黑相兼天威電凍神怒雲發

五色赤紅青白黑也交錯縱橫擾雜也相兼色
溷而不齊也天威言皇天之威有不祈悅故肅
殺一時而降雷電也神怒言雷神震怒揚威鞭
而交飛也凡乎且時見天上有五色雲氣交錯
兼赤黑多而往來擾亂者必主大雷電風雨也

一云黃色簽少必雨少

漫灑輕吹遠邇而人君惠重

漫灑陣雨忽降也輕吹煖風披拂也若此者人
君何德以致之則遐邇蒼生感惠政而來王之
民也凡時月風和雨細不損禾稼此人情順化
上下同心然也

迅飄頓瀉高低而逢主猜嫌

迅猶速也飄去而急也頓瀉陡然傾注也言急
風惡雨震地崩山水勢飄薄若此者大不祥也
乃人君失政致之故災害及民物必有好宄事
君正臣忠先風後雨以祥審上驕下諂始雨後風

而禍占

君正臣忠風調雨順上驕下諂旱魃霖淫凡先風後雨陰氣順也先雨後風陰氣逆也一日初雨便晴德化順行主君臣和睦之象若雨後雲尚滿天而陰者主君臣不和又日夜雨日晴君責臣罪日陰夜晴臣謀主上如晝夜俱陰主大凶變

鎮逆入河法令急酷淋潦為災

鎮乃星名鎮星中央土星也若此星逆行入天

河主法令急酷淋潦為災民物之災戾也

災惑反求致理乖而旱災

災惑南方火星也若與辰星相犯或入天河必主大旱乃政理錯亂以致之

驗陰陽開闔之節

闔猶閉也言天地閉塞成災則否體驗之亦達

天氣下降地氣上升則泰體驗之亦達又須審

看何日時也一日陽開陰闔各有節序

達璿璣運行之數

試補志卷一百三

占度載

占占嵐雨

十七

璿璣天象器物也。舜典璇璣玉衡以齊七政。其圓而運轉者為璣。其持正者為衡。圓者徑八尺。以璿珠為之。懸而運之。以象天之形。直者長八尺。以美玉為之。孔徑一寸。從下望璣以視星辰之行度。以觀天象也。日月五星皆以此度知其盈縮進退焉。馬融曰。渾天儀可旋轉。故曰璣。所謂衡者。其橫簫也。璿為璣。玉為衡者。重天象也。夫天傾西北。極居天之中。二十八宿半隱半見。仲春之月。星火在東。星鳥在南。星昴在西。星虛

在北。至仲夏則鳥轉而西。火轉而南。虛轉而東。昴轉而北。仲秋則火轉而西。虛轉而南。昴轉而東。鳥轉而北。仲冬則虛轉而西。昴轉而南。鳥轉而東。火轉而北。來歲仲春。鳥復轉而南矣。循環無窮是也。

四仲加變朝中夕半以興雲

四仲子午卯酉也。朝中。午時也。夕半。子時也。凡四仲年月日時。若太乙初移宮。有雲掩日。而青黑潤明者。必主有雨。言早晨及日落加之雲變。

故耳

六壬發轉龍水支干而致雨

六壬占常以月將加月建及月朔占神后為大雨大冲為小雨若依鬼谷神課則以月將加時順數至雲起方上傳成四課而論之也若依六壬占以月將加正時視支干三傳而得水騰於上火伏於下青龍升坐玄武入穴必主有風雨萬驗無差但節前三日不占支干雨位非其所以無多

支乃十二支也即地支子丑寅卯辰巳午未申酉戌亥干乃十干也即天干甲乙丙丁戊己庚辛壬癸謂干支之任天地以之分野各有所屬也若欲推極其妙必當以分野定之凡斗光日氣該雨不雨各有方位分野而降雨也甲齊乙東夷丙楚丁南蠻戊韓魏己中州庚秦辛西戎壬燕癸北狄如十二辰則子為齊丑吳越寅燕卯宋辰鄭邯鄲巳楚午周未秦申晉酉趙戌魯亥衛

月宿十精當其方而遍滿

春三月丁丙日夏三月戊巳日秋三月壬癸日
冬三月甲乙日巳土四季八日皆土旺用事今
以日值庚辛名月宿十精日其日不問有無雲
氣但逢此日必主大風雨若陰雲不定陰雨不
應是土旺用事時庚辛方則應春夏秋冬如前
八日則應
金水出入起風霧以連天
金星水星情性不定或主用或主風凡金水二

星初出入之日必主風雨

畢月相逢布雲雷於下土

月犯畢宿必主有雨一日日月離箕宿則多風
離畢宿則多雨所謂星有好風者有好雨者是
也

銅雀屏氣池枯而徵鳥翅張

銅雀鳥名也屏氣翹音不鳴也池枯言池塘乾
涸也徵鳥雲氣也如此之時必徵鳥展翅而現
身也凡出處主大旱銅雀之鳥長安西域有之

鳴則五穀豐熟今言銅雀屏氣是顛音不鳴也
又蚺蛇有四翼一名徵鳥凡見處主二年大
旱

石燕翔翔川溢而商羊鼓舞

石燕藥名也中岳少室山有之謂石燕若飛則
主有雨故唐詩云石燕拂雲晴亦雨故耳商羊
亦鳥名鼓舞跳舞也齊國時有一足鳥每舒翅
跳舞齊侯怪之問於孔子孔子曰此商羊鳥也
若此鳥舒翅跳舞則主大雨為患出處驗之干

時齊國果然又雨為民物重災

戴君之德五徵不亂以維新

戴猶感也任於首曰戴言民感戴君主之德則
五徵有序而不亂五徵者雨暘寒暑風皆及時
而應之徵猶驗也小事有徵大事亦然凡此五
事不亂至天下太平

任相之賢十義無虧而治舊

言人君得賢宰相任用之則天下大治以其十
義無虧故耳十義者父慈子孝兄弟恭夫義

婦隨長德幼順君仁臣忠也無虧言十義略無
一缺必是賢輔則天下蒼生子服風調雨順而
時序不失治化復如唐虞也凡先風後雨為順
先雨後風為逆若君臣相得國家必大治陰陽
順逆各有其序而不失也

尊天貴地徵秘法以推誠敬鬼重神握玄機而定
譜

覆我者天也載我者地也言天地不可不尊重
也言欲求事之有徵必竭誠意而可也鬼者陰

之靈也神者陽之靈也以鬼神之為德又不可
不敬重之達此則玄機歸于掌握豈特譜敘而
贅之也

觀太陽




欽火出師
太陽初升有黑雲如雞頭
如旗旂如山如陣鳥如龍
頭如蛇如魚如靈步如張
蓋如牡丹狀並應本自未
申時有雨如魚鱗主有風

欽火會金虎出遊

巳午時出未應未申時出
酉應狂風驟雨乾上出有
誅伐坤巽艮入無震坎出
霹靂雷電離兌出入大善



欽火帶致
欽火會金虎帶雷欽出遊
來日未申時霹靂大雷雨
狂風誅入伐廟等事昏天
暗地飛雲來掩日不開有
雷雨不小




欬火衝駕

欬火衝駕巳午時有此雲氣應未申時雷雨若未申時現應酉戌時雨也

欬火帶虎

欬火帶白虎出遊主來日未申時雷雨大作




欬火會雨

欬火會雷霆太煞又名赤雞赤鵝主本日未申時雷霆大作折樹謀人驟雨傾盆也

雨師倒海

雨師倒海主頃刻雷電大作霖雨傾盆



雨師化水

金火大煞至宮又名雨師
化水春月主當時風雨夏
秋月應未申時雨

欵火出令


欵火出神霄號令主當日
申酉時烈嵐震雷大雨傾
盆飛砂走石

欵火出令



欵火展旗

欵火下水府展旗發號施
令申酉時發現應當時雷
雨霧霰陸地沉波若半夜
子時發現應次日震雷大
雨




徵鳥現跡

此徵鳥現跡又名赤鼠五
 六月南方有此之象中夜
 天河內又無雲此乃久旱
 天數不可禱也

金虎出戰

金虎大煞會戰主未時雷
 雨大作霹靂震動誅邪折
 樹飛砂走石一月下大雪
 如無雪則有雷雹



欽火轄雨

欽火號令雷部諸煞聽命
 主未申時狂風飛砂走石
 霹靂雷電驟雨傾盆拔樹
 誅妖天地昏暗

欽火遣煞


欽火遣金虎傳令主三日
 內雷雨大作



內雷雨大
都水出遊

此是斗中使者名都水使者出遊主當日未申時風雨大作遍濟通流又看北斗左或天河中有濃雲二更時前後應

若人觀今雷落前其聲冷




火鈴號令

北斗陽茫火鈴將軍擲火號令又曰赤蛇五六月壬子至丁巳日內有雲氣如此乃旱數不可祈禱天災也




獨雷太乙

欽火與太乙相會若在
日現主來日狂風大雨伐
樹誅入一占主本日未申
時雷雨大作誅妖伐屋折
樹



欽火纏舍

欽火傳舍或成段如布幙
去千丈主太旱狂風若如
此蔽官主未申時雷雨大
作誅人畜如掩日雲帶望
更方主殺伐



乾精大煞

乾精大煞黑雲如魚龍雙行度巽方者三日內風雨大作轟雷掣電誅邪伐廟

歛火展翅



太陽東方升殿時有此黑雲氣主當日申酉時雷雨大作

歛火轉陰


早辰有如此雲氣主當日午未時雷雨大作如本日不應定來日午未時震雷疾風驟雨

歛火伏氣


太陽升時東方如此黑氣闌遮此為太陽晶伏氣主當日未申時雷雨閃電自震巽方起又起東南風




觀太陰



辛天君出遊
辛天君帶金火出遊四處
無雲只有黑雲如此或如
龍蛇形蔽有主來日未申
時雷雨大作



辛君步月
此二象皆名辛君步月子
丑夜現掩月冬天主有雪
凍夏秋主風雨雷電并有
蟲蝗食物人間遭劫春三
月形如龍蛇多者六七月
風雨多也



辛君與使者出遊
來日未申時雷雨大作沉
天沒地誅人伐畜雷震霹
靂

辛君會雷震


辛天君會雷震太煞遊月
宮有黑雲如龍蛇形自冥
方入月者主明日猛風驟
雨



使者化陰氣
使者化陰氣出坎天君得
旨化陽轉陰先施水氣應
在五日後有小雨連發之
兆也

陰陽相戰

陰陽相戰此兆否極泰來
三日內有風雨



雨師灌天河

社令雷神叩天河取水尅
離宮應三日後陰沉天氣
四五日後有雨無雲之兆

雨師現水像



雷公使者度天河領水入
黃道坎宮應亥子丑時有
雷雨大作

辛君遊月宮

黑雲如蛇自覓方而入月
宮者主三日內必有大雨


使者探月

寅午戌夜一更前後有此
兆出擬於申酉亥子日天
陰樞機動三日後雷雨大
作





觀北斗



鼠形戰陰

此象應三日後有雷先乾坎方動有雷南大作

有白氣射斗口貪星應來日未申時微雨有白氣射巨祿文星勿亦如之白氣通



使者會七煞出遊即陰太煞主來自日申未時雷南大作迅雷驟南而行殺伐斗口若無雲射入則主大旱也


使者貪北斗都水使者主來日未申時或戌亥時必有雷南殺伐



使者領火雷五鬼出遊即
使者與五氣雷公也主來
日未申時雷南大作無雲
則大旱
大旱主來日中未報
勢皆會于坤出哉




使者朝斗有此黑雲氣來
日未申時先雨後風若斗
口有白氣先入後黑氣蓋
過來自未申時狂風刮地
大雷雨飛砂走石黑雲通
蓋過斗七星不現斗口有
閃閃龍光至甲雷轉至次
艮方來日申酉時風南雷
電交作




太乙交官黑氣如雲遮來
朝去并有墨黑雲蔽斗者
至當夜有雨來日大雨若
開了主明日未申時雨

使者令天罡趕殺一二日
內主雷雨大作




使者會雨師先黑雲如龍
蛇或如飛鳥破絮先從東
北而來先挂廉貞星兩畔
主三日內雷雨大作後遮
廉貞星黑一時久者主來
日未申時雷雨



雷神出遊申酉戌亥子丑
時方現象主朔風大雪

使者入都水司應在四水
宿日入陰二日後有風雨



雷神來斗中主明日亂風
刮地飛砂走石

天皇會太乙二日內主陸
地成流霹靂大震伐崩誅
邪




觀南斗




赤雲如此侵逼北土者主
久旱不可祈禱否則蝗蟲
火光盜賊熾也若光芒長
是天災劫數也

使者過河如黑猪形如陣
馬過河明白未申時大雷
雨如天河中有聲如風聲
名使者捲水來自大南平
地波濤



金星察訪人間主三二日內
定有雨

久旱數不可祈禱蟲蝗發
兌方天災劫數也



天河

金星化水，黑雲掩，斗口不
移者，二日，後雷雨大作也。

金星化水，指人而生，三日也。



天河

使者携水，天河中有此水，
波纹雲氣者，二更前後有，
響聲來，白大雨。

武備志卷一百六十四

武備志卷一百六十四

